

Г. Гдѣ оутвержденіе мое, и привѣжище мое,
и избавитель мой, Бгъ мой, помощникъ мой,
и оуповаю на него: защититель мой, и рогъ спа-
сенія моего, и заступникъ мой.

Д. Хвала призовѣ Гда, и ѿ врагъ моихъ
спасѣся.

Е. Одержаша мѧ болѣзни смертныя, и по-
тоцы беззаконія смѧтоша мѧ.

З. Болѣзни ядовы ѿбыдоша мѧ, предвариша
мѧ сѣти смертныя.

З. И вниде скорѣти ми, призвахъ Гда, и
къ Бгѣ моему возвахъ: оуслыша ѿ храма свѧта-
го моего гласъ мой, и вопль мой предъ нимъ
внидетъ во оуши егѡ.

И. И подвижеса, и трѣпетна бысть земля, и
ѿснѡванія горъ смѧтошася и подвигошася, ѧкъ
прогнѣвася на нѧ Бгъ.

А. Взыде дымъ гнѣвомъ егѡ. и Огнь ѿ ли-
ца егѡ воспламенитсѧ: оуглие возгорѣся ѿ него.

Г. И приклони небеса и сниде, и мракъ подъ
ногѧма егѡ.

А. И взыде на херувимы, и летѣ: летѣ на
крылѣхъ вѣтрению.

В. И положи тмѣ закровъ свой, окрестъ егѡ
селеніе егѡ, темна вода во облацѣхъ воздушныхъ.

Г. О ѿблестанія предъ нимъ облацы прои-
доша, градъ и оуглие огненное.

Д. И возгремѣ съ небесе Гдѣ, и вышній даде
гласъ свой.